

LYKILUPPLÝSINGAR FJÁRFESTA

Í skjali þessu er að finna lykilupplýsingar um þennan sjóð. Skjalið er ekki markaðsefni. Upplýsingar þessar eru settar fram á grundvelli laga til að hjálpa þér að skilja eðli og áhættu þess að fjárfesta í þessum sjóði. Þér er ráðlagt að lesa skjalið svo þú getir tekið upplýsta ákvörðun um hvort rétt sé að fjárfesta í sjóðnum.

IS Lausafjársafn (Kt. 490914-9860, ISIN: IS0000025153)

Sjóður þessi er rekinn af Íslandssjóðum hf. (kt. 690694-2719), dótturfélagi Íslandsbanka hf.

MARKMIÐ OG FJÁRFESTINGARSTEFNA

Markmið

Markmið sjóðsins er að skila jafnri og stöðugri hækkun eigna með fjárfestingum í innlánnum, víxlum, skuldabréfum og öðrum fjármálagerningum með stuttan líftíma. Markmið sjóðsins er að ná betri ávöxtun en viðmið sjóðsins.

Fjárfestingarstefna

Eignir sjóðsins skulu ávaxtaðar í innlánnum, víxlum, skuldabréfum og öðrum fjármálagerningum með stuttan líftíma. Meðallíftími sjóðsins er áætlaður 0-180 dagar og skulu einstakar fjárfestingar sjóðsins í innlánnum, víxlum, skuldabréfum og öðrum fjármálagerningum sem útgefnir eru af fjármálafrirtækjum ekki hafa lengri tíma til lokagjalddaga en en 370 daga. Sjóðnum er heimilt að kaupa bréf útgefnir af eða með ábyrgð ríkissjóðs fyrir allt að 60% af eignum sjóðsins á grundvelli 38.gr. laga nr. 128/2011.

Sjóðurinn hefur heimild til þess að eiga endurhverf viðskipti (e. repurchase agreements) með fjármálagerninga sem falla undir fjárfestingarstefnu sjóðsins. Sjóðurinn nýtir sér heimild til endurhverfra viðskipta til varnar ef hann verður fyrir óvæntu útstreymi. Ef til

þess kæmi væri sjóðurinn að lána bréf á móti lausu fé til að geta staðið við skuldbindingar sínar.

Viðmið

Viðmið sjóðsins eru innlánsvextir Seðlabanka Íslands.

Arður

Sjóðurinn er vaxtarsjóður, þ.e. vextir, vaxtavextir, arður og aðrar tekjur leggjast við höfuðstól. Ekki er greiddur arður af eignarhlutdeild í sjóðnum.


Fjárfestingartímabil

Sjóðurinn hentar fjárfestum sem vilja ávaxta fé í skamman tíma. Meðallíftími sjóðsins er áætlaður 0-180 dagar.

Hlutdeildarskírteini skulu innleyst að kröfu eigenda. Hægt er að kaupa og innleysa hlutdeildarskírteini alla virka daga. Pantanir sem berast fyrir viðmiðunartíma viðskipta kl. 15.00 eru afgreiddar næsta virka dag. Pantanir sem berast eftir viðmiðunartíma viðskipta afgreiðast að tveimur dögum liðnum.

Lágmarksfjárhæð viðskipta eru 10.000 kr. og 5.000 kr. í áskrift.

ÁHÆTTA OG ÁVÖXTUN



1	2	3	4	5	6	7
---	---	---	---	---	---	---

Áhættumælikvarðinn mælir áhættuna vegna verðsveiflna. Mælingin byggir á sögulegum vikulegum gögnum um verðsveiflur sjóðsins síðustu 5 ár. Útreikningur er byggður á verðsveiflum á viðmiði sjóðsins síðustu 5 ár til stofnunar sjóðs, 16. september 2014, og verðsveiflum sjóðsins frá stofnun til 11. febrúar 2019. Sjóðurinn mælist í 1. flokki áhættumatsins. Það þýðir að kaupum á hlutdeildarskírteinum sjóðsins fylgir lítil hætta á verðsveiflum. Áhættumælikvarðinn getur breyst milli tímabila.

Takmarkanir áhættumælikvarðans:

- Ávöxtun í fortíð er ekki ávísun á ávöxtun í framtíð
- Áhættuflokkunin sem er sýnd hér að ofan er ekki tryggð og gæti breyst
- Lægsta áhættuflokkunin merkir ekki „áhættulaus“

Sjóðurinn er fjárfestingarsjóður skv. lögum nr. 128/2011 um verðbréfasjóði, fjárfestingarsjóði og fagfjárfestasjóði. Aukin áhætta sjóðsins sem fjárfestingarsjóðs mun því felast í minni áhættu-dreifingu heldur en gildir um verðbréfasjóði.

Áhættuþættir sem hafa áhrif á verðmæti eignarhlutar í sjóðnum en áhættumælikvarðinn nær ekki yfir eru markaðsáhætta, seljanleikaáhætta, vaxtaáhætta, greiðsluáhætta, uppgjöráhætta, rekstraráhætta, þ.m.t. vegna vörslu eigna, áhætta tengd smæð markaðar, ytri aðstæður og verðbólguáhætta.

Nánari umfjöllun um áhættu er að finna á bls. 12-14 í útboðslýsingu sjóðsins á www.islandssjodir.is

GJÖLD FYRIR ÞENNA SJÓÐ

Gjöldin sem þú greiðir eru notuð til þess að greiða kostnað við rekstur sjóðsins, þ.m.t. kostnað við markaðssetningu og dreifingu hans. Þessi gjöld skerða mögulega ávöxtun fjárfestingar þinnar.

Eingreiðslugjöld innheimt fyrir eða eftir fjárfestingu	
Gjald við kaup	0,00%
Gjald við sölu	0,00%

Ofangreind gjöld eru hámarksgjöld sem gætu verið dregin af fé þínu áður en fjárfest er og áður en afrakstur af fjárfestingu þinni er greiddur út.


Gjöld sem eru dregin af sjóðnum á ársgrundvelli	
Viðvarandi gjöld	0,38%
Gjöld sem eru dregin af sjóðnum við tiltekna aðstæður	
Árangurstengd þóknun	Á ekki við

Gjöld vegna kaupa og sölu eru hámarksgjöld sem rekstrarfélaginu er heimilt að innheimta skv. reglum sjóðsins. Í sumum tilfellum er mögulegt að gjaldið sé lægra, en upplýsingar um slíkt má nálgast hjá söluaðila sjóðsins.

Viðvarandi gjöld eru byggð á útgjöldum ársins 2018. Fjárhæð viðvarandi gjalda kann að vera breytileg frá ári til árs. Undanskilinn er viðskiptakostnaður vegna eignasafns.

Frekari upplýsingar um gjöld er að finna á bls. 7 í útboðslýsingu sjóðsins á www.islandssjodir.is

FYRRI ÁRANGUR



Ávöxtun í fortíð er hvorki vísbending um né trygging fyrir ávöxtun í framtíð. Eignarhlutdeild í verðbréfasjóði getur rýrnað, aukist eða staðið í stað.

Allar ávöxtunartölur eru í ISK að frá-dregnum kostnaði (umsjónarlaunum, viðskiptakostnaði og öðrum kostnaði sem fellur á sjóðinn).

Gjaldmiðill sjóðsins er ISK.

Sjóðurinn hóf rekstur 16. september 2014.

HAGNÝTAR UPPLÝSINGAR

Vörsluaðili:	Íslandsbanki hf.
Nánari upplýsingar:	Frekari upplýsingar um sjóðinn, útboðslýsingu sjóðsins í fullri lengd, almenna viðskiptaskilmála, upplýsingablað, gengi sjóðsins og ársskýrslur frá Íslandssjóðum má nálgast á www.islandssjodir.is . Prentuð eintök eru einnig fáanleg án endurgjalds á skrifstofu Íslandssjóða að Hagasmára 3.
Skattar:	Um skattlagningu hagnaðar af hlutdeildarskírteinum gilda lög um tekjuskatt nr. 90/2003, lög um fjármagnstekjuskatt nr. 94/1996 ásamt lögum um staðgreiðslu opinberra gjalda nr. 45/1987. Íslandsbanki, vörsluaðili Íslandssjóða, sér um að standa skil á fjármagnstekjuskatti skv. 3. gr. laga nr. 94/1996, um staðgreiðslu skatts á fjármagnstekjur. Hann reiknast þegar hlutdeildarskírteini eru seld með hagnaði eða þegar tekjur eru greiddar af hlutdeildarskírteinum. Frekari skattlagning getur þó komið til. Vakin skal athygli á því að skattameðferðin ræðst af aðstæðum hvers viðskiptavinar fyrir sig og getur tekið breytingum í framtíðinni. Um erlenda aðila gilda reglur þess ríkis sem viðkomandi hefur skattalegt heimilisfesti í. Fjárfestum er ráðlagt að leita sér ráðgjafar og/eða upplýsinga um skattaleg áhrif þess að fjárfesta í sjóðnum.
Ábyrgð:	Íslandssjóðir hf. er einungis ábyrgt fyrir yfirlýsingum í þessu skjali sem kunna að reynast vera villandi, rangar eða ekki í fullu samræmi við hluta af útboðslýsingu sjóðsins.

Sjóður þessi hefur hlotið staðfestingu á Íslandi og heyrir undir eftirlit Fjármálaeftirlitsins. Íslandssjóðir hf. hafa starfsleyfi á Íslandi og heyrir undir eftirlit Fjármálaeftirlitsins. Þessar lykilupplýsingar eru réttar m.v. 11. febrúar 2019.